

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 139. sjednici, održanoj 29.03.2018. godine, d o n o s i

ZAKLJUČAK

I.

Utvrđuje se Prijedlog Zakona o izmjenama Zakona o visokom obrazovanju.

II.

Prijedlog Zakona iz tačke I. ovog zaključka upućuje se u dalju skupštinsku proceduru, po skraćenom postupku.

III.

Zaključak stupa na snagu danom donošenja.

Broj: 02-_____/18.

Datum, 29.03.2018. godine

Z e n i c a

PREMIJER

Miralem Galijašević

DOSTAVLJENO:

1 x Ministarstvo za obrazovanje, nauku, kulturu i sport,

1 x Stručna služba Skupštine,

1 x a/a.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na _____sjednici, održanoj dana _____ 2018. godine, donosi

**ZAKON
O IZMJENAMA ZAKONA O VISOKOM OBRAZOVANJU**

Član 1.

(Izmjene člana 31.)

- (1) U Zakonu o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), u članu 31. stav (1) riječi: „godinu dana“ zamjenjuje se riječima „šest (6) mjeseci“.
- (2) U stavu (3) riječi: „četiri godine“ zamjenjuju se riječima „pet godina“.

Član 2.

(Stupanje na snagu)

Zakon stupa na snagu od dana objavljivanja u „Službenim novinama Zeničko-dobojskog kantona“.

Broj: _____/18.

PREDSJEDAVAJUĆI

Datum, _____ 2018. godine
Zenica

Jasmin Duvnjak

Obrazloženje

Pravni osnov:

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje:

Predložene izmjene će ujednačiti rok za podnošenje zahtjeva za akreditaciju/reakreditaciju i važenje akreditacije na svim javnim univerzitetima u Bosni i Hercegovini.

Obrazloženje pojedinih pravnih rješenja:

Agencija za visoko školstvo i kvalitet Bosne i Hercegovine je napravila analizu zakona o visokom obrazovanju u Bosni i Hercegovini. Dio zakona o visokom obrazovanju, koji se odnosi na institucionalnu akreditaciju, je različit u većini kantona i Republici srpskoj, a pogotovo o trajanju akreditacije i rokovima za prijavu akreditacije ili reakreditacije. Trajanje akreditacije, u Bosni i Hercegovini, je četiri do šest godina. U Zakonu o visokom obrazovanju Zeničko-dobojskog kantona definirano je trajanje akreditacije od četiri godine i roka prijave za reakreditaciju od godinu dana.

Agencija za visoko školstvo i kvalitet Bosne i Hercegovine je svojim dopisom, radi ujednačavanja zakona o visokom školstvu, u dijelu akreditacije, preporučila da je trajanje akreditacije **pet** godina.

Pored ovoga povećala se i lista stručnjaka za akreditaciju tako da se predlaže kraći rok, **šest mjeseci**, za prijavu akreditacije ili reakreditacije.

Iz tih razloga se predlažu izmjene Zakona o visokom obrazovanju i to:

(Izmjena člana 31. – Postupak izdavanja akreditacije)

- (1) stav 1, riječi: „godinu dana“ zamjenjuje se riječima „šest (6) mjeseci“,
- (2) stav (3) riječ: „četiri“ zamjenjuje se riječju „pet“.

Stoga, predlažemo da se sve naprijed navedeno činjenično-pravno stanje razmotri prije donošenja konačne odluke ili opredjeljenja Vlade i Skupštine Kantona. Ujedno napominjemo da zbog činjenice da nije riječ o obimnom zakonu, odnosno da se predloženim izmjenama suštinski poboljšava i precizira sadržina teksta postojećeg zakona, te da postoje opravdani razlozi za njegovo što skorije donošenje, predlažemo da se isti razmatra **po skraćenom postupku**.

Finansijski pokazatelji:

S obzirom na to da se predloženim izmjenama suštinski poboljšava i precizira sadržina teksta postojećeg zakona, donošenje ovog zakona, prema stajalištu obrađivača, neće podrazimijevati dodatna izdavanja u Budžetu Kantona za 2018. godinu.

Stoga i predlažemo usvajanje Prijedloga Zakona o izmjenama Zakona o visokom obrazovanju po skraćenom postupku.